

LA VITTORIA DELL'INTESA

L' ARMISTIZIO E LA FINE DELLA GUERRA

Poesia in dialetto Romagnolo scritta dopo la vittoria

Finalment pou sta gran guera
su in te ciel, per mer, per tera
cla ha durè zinquent' un mes
la ha finì in tutt i paes.
Guielmaz l' imperator
pin d' audacia e pin d' furor
unid all' Austria Ungaria
con i Turch e Bulgaria
e tentò sta guera a fond
per d'vantè e padron de mond!
per ambizioun de fes più grand!...
ma la sporch tutt al mudand!
Però te prim ste prepotent
l' eva mess un po d' spaven?!
perchè l' era prepared
da un pezzett e ben armed!
dov i nost ossia l' Intesa
i nera pront per la difesa.
Com l' aveva già decis
e saltò addos a mi Francis
in te prim ste bon iadroun!
per rubei tutt i miglioun.
Per fe prest ed ess sigur
e passò pe scurtadur
per e Belg cle una nazioun
che di Tedisch in proporzioun
le un pulsen e un aquilot;
ma e pulsein ei de un pizgot
che tutt e sangue ei se infettè
e a parigi in pseitt andè.
A sla Marna i se battù
ma i na ciapè quant ià volù!
da bon i le i trovè e mus dur!...
chi chnutt fe sti sgrasadour
gamba mia non ti vergogna
che dopp avud ste gran brudett
di Francis i fu costrett
e fugg l' istess di chen livrer
e andes a ciud a tli tricer
chei toccò stè i li intaned
guasi guasi dò invarned!
Un elt tre volt dopp i se approv
d' artornè... cos iel ste d' nov?!
Ià finì alla fein di cunt
chi ià arnes al pez e l' unt...

ià masacrè le gioventù
che in Germania i ne poc più
e pou iè toch a tos de ca....
mi prepotent mi viliacaz
con al pivi dentra i sach
ech e fein chi fa viliach.
Ades per ora Guielmoun
cla perdù la guera e tron
da Berlein le andè in Olanda,
ma chell zenti e sa rachmanda
chi ne manda via di là
che se i nost il trova i quà,
quest le poc ma le sigur,
chil ciudrà fra quatre mur
t' un bus a volt senza soffitt
che godrà e sol a quadreit...
e che i lè i tocarà stè
slielt dou di cla da campè.
Ma Indelburgh me caporioun
cla fat tent e smargiasoun
sla su linea cla fat
ca ni paseva nienca i gzt,
a sent a di che in ogni mod
i ià battù tri quatre ciod
in te chèpì per fei dl' onour
i chsè se sofra un po d' dolour
si un batrà 'nent at e cul
sarà e mel d' fei dou bagnull!
Parlamma ades d' stielt tedisch
d' quei ca vu eli quattre lisch
dla de Piave med a i nost
chi ià mand pou ti su post
i là dlà di nost confein
sia da ess poch assassein!
siandarea brused viv
ma sti boia! ma sti schiv!
Santi a Udin quell chià fat
prima i nost chi fuss rivat!
Iè andè dentra at l' ospedel,
ma chi sgrazied chi steva mel
con rabbiata e con dispet
ii ià cavè me da te let
chi n'era ench di muribond
it ià portè d' zotta ti fund
e i ià butted i là per tera
come ch' fnssa rena o gera:

e i lanzoul, i mataraz
 tutt al quert, sti viliacaz!
 tutt gni cosa ia rubed!
 e si camion il ià ported
 sti ladroun trista genia
 tutt in Austria Ungaria!
 Ma vliv chi possa agi divers!?.
 a ragionè le tutt temp pers...
 iè tutt d' Attila i parent!..
 chei ciapess un azz....
 Basta adess stama tranquill
 che ma clà raza d' cocodrill
 a en zacchè ben ben e mus
 e a vidrì chin trova e bus
 si campass anchè mil an
 da tornè i qua a de dan!
 no pansè chià avu un bròdett..
 chis n' arcordarà un pezzett!..
 Voi da di chi è pou queist
 a ve poss di che me a iè vist...
 Sarea i fiol d' quei ch' venn da noun
 de quarentot e de trentun!
 che allora i pret ii vleva bein!
 enzi deva anche i quattrein
 acciochè sti boia sti galliott
 i castigass i patriott...
 Insomma i ieva simpatia
 se ades sti pret un po i devia
 chii cema berber e birboun
 e fu questa la questioun.
 Quand i vidd che s' iaguzein
 dla de Piave si confein
 chiaveitt di nost cli quatre toz
 iarvoltò supte e bamboz!..
 ma si vinzeva però Lour
 l'era tutt un ent labour.
 Vliv cav digga am per un sogn
 in si-set di ma cli carogn
 di Tudisch chi s' avanteva
 che nissoun il supereva
 a cazei a ca de boia!?
 e per ch' sia una fanfloia!
 Eppur le un fat che se averè!
 e me av dirò cosa cle ste....
 La sostenza dla questioun
 e fu che i nost ieva rasoun!
 e che i Tedisch iaveva e tort
 che tutt e mond es n'era incort
 per quest l' Europa e i sted unid
 contrà dlor iera arrabid!
 In sgond punt per via de bloc
 i sera arduitt a magné poc

chi tocheva caghè stil
 e quest i qui an iè bsogn da dil
 che si tneva ancora dur
 in la feva più d' sigur!
 Di nost soldè la bravità
 che come Lour i ne poc più!
 chit ià cazè via a saetta
 con al punt dla baionetta;
 I miliard di sted unid
 e dl' Inghiltera in fa rid
 chi na spes di bastiment
 che fu l' ajut e più potent!
 L' inzegn d' Vilson e quell d' Foch
 che di compagn s' natrova pocch!..
 Per tutt quanti stell rasoun
 ià sgabanè ma Guielmoun
 finalment ca em vu gloria
 da portè sta gran vittoria.
 Un enta cosa ho da di
 e pou dopp a ho finì;
 an la deigh per avantem
 ca so in politica un salem
 ca pos di d' no capì nèit
 ma me a so ste sempre convint
 da quant la guera la ha chminz
 che i l'udisch in pseva vinz!
 A lo deitt sa tutt al piaz
 con omne, don vecc e ragaz,
 a lo sostnù si professoun
 s' iavcched e si dottour
 a so ste sempre d' un idea!
 per conseguenza ades sarea
 arrivat l' ora sebben terd
 chim deiss rasoun i più testerd.
 Sta canzona pe' moment
 a la ho fni sa st' argument,
 ma ai no un enta prepareda
 s' una grosa birboneda!
 ch' sarea quella can spo viv!
 chi se arduitt tent mai cattiv
 quei ca i generi da vend
 che quel ch' vel un dies i pretend!
 donch; quanto prima ca podrò
 anche questa a la farò.
 Sam de un sold d' sta canzonetta
 am tocca bev ma la capletta
 se pou al vend' a dou bullein
 a andarò a bev un quintein.

P. Letteraria

G. VILLA